



Fréttabréf Naustaskóla

11. tölublað, 5. árgangur, 2. desember 2012

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Efniviður óskast!!

Nú þegar jólaföndrið skellur á er afar gott að krakkarnir hafi með sér efnivið sem getur gagnast til þeirra hluta. Þar getur verið um að ræða glerkrukkur af öllum stærðum og gerðum, jógúrtdollur, hólkar innan úr salernis- og eldhúspappír, gömul jólakort og jólapappír, efnisbútar af ýmsu tagi og í raun flest það sem á annað borð hægt er að föndra úr... Nú er bara að leggja höfuðið í bleyti og sjá hvort það er ekki eitthvað til á heimilinu sem gæti gagnast....

Ósóttar skólapeysur

Þeir sem eiga ósóttar skólapeysur og boli eru beðnir um að sækja og greiða sem allra allra fyrst...

Um bílastæði fatlaðra

Að gefnu tilefni langar okkur til að biðja vegfarendur um bílastæði skólans um að virða stæði fatlaðra sem er við vestari inngang skólans. Afar mikilvægt er að aðgengi að þessum stæðum sé greitt og því ekki ætlast til að aðrir leggi í þessi stæði.

Frístund milli jóla og nýárs

Nú eru aðeins tveir virkir dagar milli jóla og nýárs. Þeir foreldrar sem óska eftir að nýta sér þjónustu Frístundar þessa daga (27. og/eða 28. desember) eru beðnir um að senda Hrafnhildi forstöðumanni tölvupóst fyrir 15. desember. Netfangið er hrafnhildurst@akmennt.is

Kæra skólasamfélag

Undanfarnar vikur erum við í Naustaskóla búin að vera í töluvert mikilli naflaskoðun. Ástæðan er sú að niðurstöður samræmdra prófa í 4. bekk voru mun lakari en við vonuðumst eftir og við höfum verið að rýna í þær, leita orsaka og ákveða viðbrögð. Nú er það svo að það eru líka ýmsar góðar fréttir og vísbendingar um að við séum á réttri leið, t.d. vorum við mjög ánægð með útkomu samræmdra prófa í 10. bekk, en þar voru greinilega miklar framfarir hjá nemendum, og við vorum einnig vel sátt við prófin í 7. bekk. Skólapúlsinn, könnun meðal nemenda í 6.-10. bekk, sýnir líka að flestir þættir í skólastarfinu eru að koma vel út miðað við meðaltöl á landsvísu. En við ætlum okkur auðvitað að vera alls staðar í fremstu röð og tökum því mjög alvarlega ef við fáum vísbendingar um annað. Þess vegna höfum við við að undanfögnu leitast við að hugsa gagnrýnið um okkur sjálf og finna leiðir til að ná betri árangri. Hér fyrir neðan má sjá niðurstöður samræmdu prófanna þetta haustið. Við minnum á að á heimasíðu skólans undir hlekkjunum skólinn / matsgögn og skýrslur, má finna meðaltöl prófa síðustu ára sem og önnur gögn sem lúta að mati á skólastarfinu. Þar munum við einnig birta niðurstöður vinnu undanfarinna vikna en þær eru einnig sérstaklega kynntar foreldrum nemenda í 4. bekk. Með von um ljúfa aðventu og yndislegt líf í desember, okkur öllum til handa!

Ágúst Jakobsson, skólastjóri

Niðurstöður samræmdra prófa í Naustaskóla haustið 2012

Um er að ræða svokallaðar normaleinkunnir þar sem landsmeðaltal er stillt á 30

	4. bekkur		7. bekkur		10. bekkur		
	Stæ	Ísl	Stæ	Ísl	Stæ	Ísl	Ens
Landið	30,0	30,0	30,0	30,0	30,0	30,0	30,0
Kjördæmið	29,3	29,8	28,3	29,6	28,1	28,9	28,6
Naustaskóli	23,5	23,1	28,0	29,5	29,6	29,1	30,8

First Lego league

Í vetur er Naustaskóli í fyrsta sinn þátttakandi í verkefninu First Lego League sem er keppni sem felst m.a. í að nota tækni-legó til að leysa ákveðnar þrautir. Það eru 10 nemendur í 8.-10. bekk sem eru þátttakendur hjá okkur en um er að ræða afar spennandi verkefni sem felur í sér mikið nám og reynir á tækniþekkingu, forritunarhæfni, útsjónarsemi og margt fleira. Þetta árið felst verkefnið einnig í að finna lausnir sem létta líf eldri borgara á einhvern hátt og hafa nemendur verið í samstarfi við heimilismenn á Hlíð við að leysa þann þátt. Liðið okkar mun svo keppa í Reykjavík þann 19. janúar nk. og verður spennandi að sjá hvernig þeim gengur...



Litlu jólin

Litlu jólin í Naustaskóla verða föstudaginn 21. desember. Að þeim loknum fara nemendur í jólafrí.

Á litlu jólinum mæta allir nemendur kl. 9:00 og skóladeginum lýkur um kl. 11:00.

Frístund verður opin á litlu jóladaginn kl. 7:45-16:15.

Að loknu jólafríi hefst skólastarfið 2.-3. janúar en þá daga eru starfsdagar fyrir hádegi en viðtöl við foreldra og nemendur eftir hádegi. Kennsla skv. stundaskrá hefst svo föstudaginn 4. janúar.





Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Desember 2012

Sun	Mán	Þri	Mið	Fim	Fös	Lau
	3 Hakk, spaghetti og salat	4 Soðinn fiskur, kartöflur, grænmeti og lauksmjör Opnið hús 4-5 b kl. 16:30-18:30 Opnið hús 8-10b 19:30-21:30	5 Grísasnitset, salat, kartöflur og brún sósa Opnið hús 6-7b 16:30-18:30	6 Ofnbakaður fiskur í blaðlaukssósu, hrísgrjón og salat Bingó á vegum 10.b. kl. 17:30	7 Tómatsúpa með paprika og heimabakað brauð	8
9	10 Soðinn fiskur, kartöflur, salat og tómatsósa	11 Hakkabuff, kartöflu-stappa, baunir og sósa <u>Þemadagur, skóla</u> <u>Lýkur 13:00</u> Opnið hús 8-10b 19:30-21:30	12 Ofnbakaður fiskur í tómatakarrýsósu, hrísgrjón og salat <u>Þemadagur, skóla</u> <u>Lýkur 13:00</u> Jólasveinahúfundagur	13 Skr, brauð og álegg Jólaball 1.-3. b. kl. 16:15-17:30 4.-7.b. kl. 18:00-19:30 Aðgangur 300 kr. og opin sjöppa	14 Jólamatur með öllu tilheyrandi	15
16	17 Steiktur fiskur (ekki í raspi), hrísgrjón, salat og sólskinsdressing	18 Kjötballur í brúnni sósu, kartöflur og rauðkál Opnið hús 8-10b 19:30-21:30	19 Fiskur Björkeby, kartöflur, salat og rækjuostasósa	20 Súrsætur svínapott-réttur, hrísgrjón og salat	21 Litlu jólin (Stuttur dagur hjá nemendum, Frístund opin frá 7:45) (Kjúklingapasta og salat)	22
23	24 Aðfangadagur	25 Jóladagur	26 Annar í jólum	27 Frí en Frístund opin Grænmetisnúðlur og salat	28 Frí en Frístund opin Hrísgrjónagrautur og slátur	29
30	31 Gamlársdagur	1. janúar Nýársdagur	2 Starfsdagur / viðtalsdagur. <u>Frístund lokað</u>	3 Starfsdagur / viðtalsdagur Frístund opin Fiskipottréttur, kartöflur og salat	4 Kennsla hefst skv. stundaskrá Kartöflusúpa, brauð og álegg	5

Muna: Litlu jólin eru 21. des, jólafrí hefst að þeim loknum (Ath. tímasetningar litlu jóla á forsiðu)
Dagana 2.-3. janúar eru starfsdagur / viðtalsdagur. Foreldrar og nemendur verða boðaðir til viðtals við umsjónarkennara eftir hádegi þessa daga, viðtalsboð munu berast í síðustu vikunni fyrir jólafrí.
Kennsla hefst svo samkvæmt stundaskrá föstudaginn 4. janúar.